

INUIT ATAQATIGIIT

Inatsisartuni



UKA 2019/pkt.nr. 205
22. marts 2019
Stine Egede

Uunga siunnersuut: Inuit innarluutillit tapersorneqarnissaannut Inatsisartut Inatsisaat nr. xx, xxx xx 2019-imeersoq.

(Peqqissutsimut, Isumaginninnermut Inatsisinillu atuutsitsinnermut Naalakkersuisoq)

Inuit innarluutillit tapersorneqarnissaannut Inatsisartut inatsisissaattut siunnersuummik Naalakkersuisut suliaqarnerat qujassutigaarput.

Tamatta pisinnaatitaaffeqarpugut. Inuit innarluutillit siunnersorneqarnissamik tapersorneqarnissamik, inuunerinnerulernissamik, naligiimmik inooqataanissamik, assigiinngisitaannginnissamik, akuunerulernissamik ilarpassuulu ilanngullugit aamma pisinnaatitaaffeqarpugut.

Pisinnaasat inuup innarluuteqanngitsup pisinnaasai nalinginnaasut, sapinngisamik qaninnerpaaffiit periarfissinneqarnissaat pingaaruteqarpoq. Soorlu ilaatigut ilinniagaqarneq, suliffeqarneq pillugit. Taamaaliornikkut naligiinnerusumik inuuneqarnermik misigineq aamma pisinnaammat.

Inuit Ataqatigiinni pingaartipparpugut inuit tamatta piginnaanivut suugaluartulluunniit malillugit inuiaqatigiinni peqataanissarpugut. Taamatuttaaq inuit innarluutillit aamma periarfissinneqartariaqartut isumaqarpugut. Ukiuni amerlasuuni innarluutillit arlaatigut piginnaaneqaraluit annertunerusumik iliuuseqarfigineqartanngillat. Sakkussaaleqineq immaqalu iloriusissaaleqineq tunngavigalugu. Qujanartumillu ullumikkut pikkorissiarorpugut aammalu tappiffigiartorpavut periarfissiuunnissaat. Taamaakkaluartorli akisussaaffiit kikkunnit tigummiarneqassanersut, qaqugukkullu kikkut susassanersut minnerunngitsumik angajoqqaat qanoq ikorfartorneqassanersut angerlarsimaffimmi meeqqaminnik paarserusuttut, ersarissunik maleruagassaqtartinnigilugut, tamannalu pitsaaningortissallugu suleqataassaagut.

Kommunit annertuumik uani aamma kalluarneqartussaapput. Eqqaaginnarsinnaavarput Iliuusissanut pilersaarutinik suliaqarneq piffisamik annertuumik tiguisinnaasarpoq. Aammattaaq nalunaarusianik allanik suliassat aamma imaqarpugut.

Taamaattumik tusarniaanerni kommunit tamakkerlutik akissuteqarsimanninnerat naammaginarsorinnginnatsigu ataatiimiitaliami tamanna suliarisariaqartoq isumaqarpugut. Aammattaaq innarluutilinnut angerlarsimaffiit sinerissamiittut assigiinngitsut tusarniaanerni akissuteqarsimanningsut siulianisulli attavigisariaqarsoraavut. Tamatuma saniatigut

qularutiginnilarput ataatiititaliami susassaqartunik aggersaasariaqarumaartugut, itisiliisitsilluta. Ilaatigut “Tiilioq” aggersartariaqarumaartoq qularnanngilaq. Takusinnaasatsinnimi annertuunik, imartuunillu tusarniaanermi akissuteqarsimapput.

Suliaq pingaarutilerujussuaq neriulluta kusanartumik, inuillu pineqartut qitiutillugit inaarneqarumaarnera Inuit Ataqtigiinni assut kissaatigaarput. Ataatiimoorukkutsigu suliarput kusanartumik inaarsinnaavarput

Taamaattumik Ilaqtariinnermut Peqqissutsimullu Ataatiititaliami sukumiisumik suliarineqarnissaa kissaatigalugu ingerlateqqipparput.